

D E S C R I P T I O

constituunt. A pascorum bonitate commen-datur, ut & à pecorum omnis generis multitudine. Variis tractibus mayzum, triticum, frumentisque alios Castellanos profert. Aurum quoque præbet, idque purissimum, æris insuper & coloris cœrulei fodinis celebrata. Indigenæ agiles sunt, negotiatores gnavi, vestibus ex gossipio contextis induiti. Vrbes hæc ferè in ea suppuntantur: Vrbs Santa Fe de Bogota, condita ad montis Bogotæ radicem, in quam colonos deduxit Gonzalus Ximenes Thalassiarca, qui cum esset Granatenfis, nomen quoque & urbi & regno dedit. cives habet plures sexcentis. Sunt hic Curia, Officiales reddituum regiorum, ærarium, domus fusoria, Cathedralis & Metropolitana Ecclesia, cui suffraganeæ sunt, Popayan, Carthagena, & S. Martha. Cœnobium habet Dominicanorum & Franciscanorum, & Indos tributarios supra 50000. Lacus hic est de Guarapita, prope quem idolis honorem divinum exhibebant Indi, magnasque auri gazas in sacrificiis iisdem obtulisse creduntur.

Vrbs S. Michaelis hoc consilio condita, ut ex ea commodius commerciorum societas iniri posset cum Indis Panches diëtis, qui climate viventes calidore non sine valetudinis manifesta noxa in urbem Santa-Fe climate sitam frigido negotiatum ibant. Vrbem Tocayman coloniam fecit Ferdinandus. Vanegas, sita est ad ripam præstantissimi fluminis Pati, quod in fluvium de la Magdalena se exonerat. Cœnobium habet unicum Dominicanorum. Aurum non fert, nec rorore nocturno humectatur, omnium calidissima. Nullo communi idiomate utuntur hujus Novi regni incolæ, quanquam maxime illud vigeat, quo Indi Panches utuntur. Vrbs Trinidat incolas accepit à Duce Ludovico Lanchero, anno 1582, quo tempore cum Indis Moscas diëtis bellum gereret, hominibus timidis, at vafris. Locuples in ejus ditione est fodina smaragdorum. Vrbs de la Palma calidæ magis quam frigidæ temperiei, condita est anno 1572 à Guterro de Ovalle, in altissimo monte, ut in bello adversus Indos propugnaculi loco esset. Ducentos hæc urbs ad bellum mittit equites, & commeatus, omniumque rerum ad vitæ humanae sustentationem necessariarum abundantia aliis regionibus longè præcellit. Nulla totius hujus regni parte magis fervent mercaturæ studia, quam hac ipsa in urbe. Coenobia habet duo, Dominicanorum unum, Franciscanorum alterum. Vrbs Pamplona, 60 à S. Fe leucis versus Mesen sita, exstructa est jussu Michaëlis Diaz de Armendariz; auri & pecorum est feracissima. Vrbem de Christoval, coloniam fecit Dux Franciscus de Cacyres. alendo pecori per quam idoneus est ager, licet aurum ferat parcius. Vrbs Merida in finibus sita est regione secunda tum aurum trici proventu. Vrbs Belez 13 à S. Fe leucis Boream versus, & 15 à Tunia, cœnobium unum habet Franciscanorum. Colonos accepit à Gonzalo Ximenez. Olim tonitruorum hic strepi-

tus & fragor audiebatur frequens, sed nunc, ut Hispani scribunt, infrequentius, quia huic naturæ malo peculiaris virtute occurrit Sacramentum altaris. Mons hic est perpetuo ardens, lapidesque & saxa evomens. Vrbs Mariquita alias S. Sebastiaen del Oro dicta, 40 à S. Fe leucis versus Thrasciozephyrum, colonos accepit anno 1551, sitaque est in campi planicie ad montium radicem, temperie aëris calidissima. Vrbs Tbagua prima est Novi regni colonia, contermina ditioni Popayan. Colonos in eam deduxit Andreas Lopez de Galarza anno 1551, ius-fu Supremæ Curiae, ad occurrentum excursionibus Indorum, quibus cives Tocaymæ & Carthaginis infestabant, utque tutus pateret aditus in præfecturam Popayan. Vrbs de la Victoria de los Remedios, in tabula Señora de los Remedios, auri fodinis ditissima est. Vrbs de S. Juan de los Llanos, 50 à Santa Fe leucis versus meridiem, auro locuples est. Colonos ex urbe Tudela, quæ in hac quoque præfectura est sita, abduxit dux Petrus de Ursua, hac de causa, quod hostilius tractarent Indos qui Moscha appellantur. Septem ad hanc Novi regni Cameram pertinent loca præfecturæ Popayan; S. Fe del Antioquia, Caramanta, Arma, Anzurra, Carthago, S. Sebastian de la plata, & S. Vincent de los Pajes. Deferruntur in Novum hoc regnum merces per flu-men maximum de la Magdalena à Malambo in fluminis ostio posita urbe. Tanta autem aquarum rapiditate & fluxus impetu in mare excurrevit, ut nisi longius ab ejus ostio recesserint præternavientes, maximum discriminem incurvant. Sita est in fauibus ejus insula. Navigabile est ad leucas 150, & amplius, longius vero in loca mediterranea diffunditur. Magdalena nomen accepit, quod festo S. Magdalena detectus sit ejus aditus.

Præfectura S. Marthæ ad oram Terræ Firmæ inter Carthaginem & fluvium de la Hache ad leucas 20 extenditur. Aurum & æs copiose suppeditat, nec non preciosos lapides. Quinque habet Castellanorum pagos, indigenas plurimos, eosque belli studiis exercitatos.

Vrbem maritimam S. Marthæ coloniam fecit Bastidas classium præfetus, anno 1525. Sedes est gubernatoris & officialium regiorum, & Ecclesiæ Cathedralis, Novi regni suffraganæ. Portum sic satis commodum habet. Quatuor hæc præfectura habet provincias, Poziguam, Beronam, Chemicam, & Tayronam, quod, si interpreteris, fornacem significat, quia in hac provincia incredibilis est copia metallorum, & maxi-mi precii lapidum. Tenerife prope fluvium la Magdalena sita est, in quam colonos deduxit Franciscus Henrici, jussu Gonzalvi Perezii. Tamalameque, sive civitas de las palmas, colonos accepit à Duce Bartholomæo Dalva, an. 1561. Vrbs de los Reyes, in valle V pari sita, 50 à S. Martha leucis, ferax mayzi, pecorum, annonæ, etiam æris, colonia facta est à Duce Santana. Sunt & hic oppidum Ocania, fluvii Bubia, Piras, Palamino.

Provin-

Provincia
de S. Mar-
tha.